

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PELANCARAN PROGRAM INISIATIF PENDIGITALAN SEKTOR PERUNCITAN (*RETAIL DIGITALISATION INISIAIVE – ReDI*) PERINGKAT NEGERI SARAWAK

KAPIT, SARAWAK, 28 NOVEMBER 2021 – Yang Berhormat **Dato Sri Alexander Nanta Linggi**, Menteri Perdagangan Dalam Negeri dan Hal Ehwal Pengguna telah menyempurnakan Majlis Pelancaran Program Inisiatif Pendigitalan Sektor Peruncitan (***Retail Digitalisation Inisiative – ReDI***) di Market Teresang, Kapit, Sarawak.

2. Pelancaran ReDI di negeri Sarawak merupakan usaha kesinambungan Kementerian Perdagangan Dalam Negeri dan Hal Ehwal Pengguna (KPDNHEP) dengan kerjasama Kerajaan Negeri Sarawak, Bank Negara Malaysia (BNM) dan rakan strategik daripada penyedia *e-wallet* iaitu **SarawakPay, Maybank, TouchnGo, GrabPay ShopeePay dan Boost** bagi menggalakkan pemain industri sektor peruncitan bersama dalam arus perdana perkembangan teknologi transaksi pembayaran secara digital.

3. Inisiatif ReDI juga mendokong kerangka pelaksanaan MyDIGITAL dan Dasar Revolusi Perindustrian Keempat (4IR) negara bagi sektor peruncitan dalam membantu komuniti peniaga berbagai peringkat melonjakkan semula ekonomi pasca pandemik covid 19 ini.

4. Majlis Pelancaran ini adalah sebahagian daripada kerangka kerja ReDI yang akan dilaksanakan di seluruh negara bagi **memastikan pemain industri sektor peruncitan bersedia dan menerima dengan gelombang digitalisasi** terutama peniaga di peringkat mikro dan kecil terutamanya di **kawasan luar bandar**.

5. Sejak awal lagi Kementerian berpandangan bahawa peniaga ini perlu dibantu dalam dunia perniagaan digitalisasi sekurang-kurangnya melalui penggunaan *e-wallet* dan e-dagang yang meliputi pesanan, pembelian, pembayaran dan penghantaran.

6. Selain pelancaran REDI pada hari ini, pihak **ShopeePay** juga berbesar hati untuk menyumbangkan sebanyak **20 kereta sorong (*Pushcart*) kepada peniaga yang dikenalpasti layak dan bersesuaian di Negeri Sarawak** ini. Kerjasama ShopeePay bersama Kementerian pada hari ini merupakan satu inisiatif yang mulia di mana ianya memberikan peluang kepada peniaga kecil untuk memulakan atau mengembangkan perniagaan mereka dengan **infrastruktur digital serta penjenamaan yang lebih menarik dan teratur**.

7. **Pihak Grab** pada hari ini berbesar hati menyumbangkan **RM200 ribu** kepada inisiatif tersebut yang akan digunakan untuk membantu menyediakan telefon pintar dan insentif untuk PKS yang menerima pembayaran tanpa tunai dan juga promosi GrabPay khusus untuk menggalakkan pengguna membeli-belah dan menyokong PKS di Negeri Sarawak.

8. Selain itu, bagi menyokong pelaksanaan program REDI ini juga, Kementerian menerusi **Sekretariat Majlis Tindakan Sara Hidup Negara (NACCOL)** akan melaksanakan satu program sumbangan kepada kumpulan

belia Kapit secara tanpa tunai. Program ini akan melibatkan sumbangan sebanyak **RM50.00** kepada lebih **400 orang belia** dan boleh ditebus menggunakan **aplikasi e-wallet terpilih**. Sumbangan ini diharapkan dapat memberi galakan kepada belia di daerah Kapit supaya tidak ketinggalan mengikuti arus perkembangan teknologi digital.

9. Pada masa yang sama, Kementerian juga meneruskan **Kempen Pembudayaan Norma Baharu COVID-19 Sektor Peruncitan di Pasar Teresang, Kapit** ini. Salah satu pendekatan yang digunakan dalam kempen ini ialah melalui pemasangan **Sistem Ulang Siar Digital** yang merupakan satu strategi bagi memudahkan semua pihak menerima maklumat dengan pantas dan mudah.

10. Sebelum ini, KPDNHEP dan agensi-agensi di bawahnya telah bermukim di Kapit selama dua hari dari 26hb hingga 27hb November 2021 dalam mendedahkan para belia dengan **Program Advokasi Kepenggunaan** melalui perkhidmatan-perkhidmatan dan inisiatif-inisiatif yang dijalankan oleh Kementerian dan agensi-agensinya seperti SSM, MYIPO dan MYCC. Program ini telah mendapat sambutan yang sangat menggalakkan dari para belia Kapit dan program ini berpotensi untuk dikembangkan kepada belia-belia di daerah pendalaman lain di Sarawak dan Sabah di masa hadapan.

11. Kementerian mengucapkan setinggi penghargaan dan terima kasih kepada Kerajaan Negeri Sarawak dan Majlis Daerah Kapit (MDK) yang memberikan kerjasama dan sokongan yang sangat baik dalam menjayakan inisiatif ini.

Majlis Pelancaran turut dihadiri oleh:

1. YBrs. Tuan Nyurek Ket

Residen Bahagian Kapit

2. Yang Berbahagia Datuk Seri Hj. Hasnol Zam Zam Bin Hj. Ahmad

Ketua Setiausaha, Kementerian Perdagangan Dalam Negeri Dan Hal Ehwal Pengguna

3. Yang Berusaha Dato' Stanley Tan

Pengarah, Kementerian Perdagangan Dalam Negeri Dan Hal Ehwal Pengguna Sarawak

4. YBrs. Encik Mohd Irman Haji Mohd Din,

Ketua Pegawai Bank Negara Malaysia (Kuching)

Untuk maklumat lanjut, pihak pemain industri dan orang ramai boleh menghubungi **Sekretariat Perdagangan Pengedaran dan Industri Perkhidmatan (SPIP)** di talian hotline 03- 8882 5881/ 5905 atau melalui emel kepada spip@kpdnhep.gov.my

YB Dato Sri Alexander Nanta Linggi

Menteri Perdagangan Dalam Negeri dan Hal Ehwal Pengguna

Kapit, Sarawak 28 November 2021

###

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

